

nach der Geburt halten sollen. 86

mögen wehe gethan haben / es sey nun
womit es wölle / daher das Kindlein tod
zur Welt geboren wirt / vnnnd wenn desz
ein Weib vrsach ist / vnnnd schuld daran
hat / thut sie schwere vnd grosse sünde / vñ
ist eine Mörderin vñ Todschlegerin für
Gott / vñ muß gewißlichen solchs einem
Weibe jr lebenslang für iren augen seyn /
vnd nicht ein geringes herzenlend seyn /
darumb sollen die Weiber / weñ sie Gott
geseget / daß sie schwanger seyn / sich
wol fürsehen / vnd jr selbst vnd der Leibes
frucht wol war neñen / daß sie sich selbst
nicht mutwilliglichen verwarlosen.

Zum Fünfften / lest Gott der HERR
solche wundergeburten darumb gesche-
hen / daß er dardurch straffen wil etliche
sondere laster der menschē / so in der welt
im schwang gehē / daß er den selben feind
sey / vnd ein mißgefallen / vnd greuwel
daran habe / also das Münchsfallb anno
1523. zu Freyberg geborē bedeutet nach d
ausles